


Un empleado di Lago ta hoga na Dos Playa



Dos Playa ta keda un luga peligroso pa bay landa of sambuya, door cu mayoria biaha e lama ta bruto y por hiba bo afo cu consecuencia fatal.

Dia 26 di mei 1958, net un dia despues di Pasco, Sr. Guillermo Binetti cu tabata traha na Lago y bibando den Lago Colony, a dicidi di bay landa na Dos Playa y desafortunadamente ta perde su bida ora cu el a hoga pa 5'or di atardi.

Sr. Binetti a progresa den diferente rango te cu el a bira un Superintendente den e departamento di Mechanical cu un servicio di 24 aña. Na december 1933, el a bin traha na Lago como un Tradesman, 3rd class. Tres luna despues el a wordo promove pa Tradesman 2nd class, den e prome di ocho promocion pa e por a yega na e posicion di Superintendente.

Dia 1 di april su promocion pa Superintendente a hib'e pa e posicionnan di Assistant General Foreman y General Foreman di Storehouse, Superintendent y Division Superinentendent.

Sr. Ernesti a bin Aruba for di Argentina unda e tabata un ciudadano. El a nace na Darmstadt, Alemania dia 26 di juli 1900. Despues di a sirbi durante e Prome Guera Mundial el imigra pa Argentina. Sr. Binetti a laga atras su señora Teolinda R. y un yiu homber M. F. Manfred, un estudiante di medicina na Merca.

Dufi Kock

Escritor y Historiado

Savaneta 125-F

Tel: 584-1201

Cel: 592-9417

dufikock@gmail.com

Lid in de Orde van Oranje Nassau 2006